

HÄÄ LAULJA'!

Tühi kott ei saisa pistü, eskinä mitte pidopääväl ☺. Allpuul om teedüs kõtu täütmise võimaluisi kottalõ Indsikurmun pidopääväl 28. mail 2016.

KÕIGILÕ

Muidoki omma' Indsikurmun valla erinevä' müügileti', kost saa vabalt osta lämmind süüki ja saiakõisi, vurdsujuukõ, kohvi jms. Ollõkõst jms nõrga kraadiga juuki saa kah osta – seo om söögist veidü' eräle, a mitte kavvõl.

LATSILÕ

Kõigilõ latsilõ, säälhulgan kuulõ segäkuurõ lauljilõ ni latsi saatjilõ, om süük teno tugõjilõ ilma rahalda. Latsi söögi tege valmis OÜ Jaagumäe ni umma kraami annõtasõ ilma rahalda Lõuna Pagarid, Väraska Vesi, Arke Lihatõöstus ja Nopri Talumeierei ja rahaga tugõva' Põlva ja Võro maakunna umavalitsuisi liidu'.

Menüün omma' kardohka', soost, grillvorst, kotlett, leib-sai, päälekauba lätt kilekotiga üten jogurt, saiakõnõ ja harilik mullilda vesi.

Süük om küländ kimmäs – ku saami latsõ' tõisist müügilettest kõrvalõ hoita (kõrraldaja üritäse' seod tahtmist päävåkavaga tukõ'), sõs ei piässi pido näide (ja vanõmbidõ) kulurahale halvastõ mõoma.

Talongi' saa kuur kätte pidopäävä hummogu. Et talongõ ja süüjide arv klapnu, pallõmi latsikuurõl paar nädalit inne pito tulõjidõ arvu viil üle täpsüstädä. Tulõtami seod teile viil edespidi miilde.

TÄÜSKASUNUILO

Lisas müügilette pääl pakutavalõ saa soovi kõrral telli talongisüüki. Tuud pakk OÜ Fautrix. Talongisõogi eelis om, et teenendäjä saa söögi kipõmbalt ja lihtsämbähe vällä anda, kuna kotussõ pääl arvõldama ei piä' ni erinevide pottõ-pannega mässämist ei olõ'.

Menüün om kardohka-suurmapudõr suidsusingi tükkegä (300g), hapukuur, hapukurgi salat, linajahu kukli, vesi. Hind ütele inemisele: 3,50 eurot.

Talongisõogi tahtjil pallõmi õkva ühendüst võtta söögi pakjaga: kultrakohvik@gmail.com – Orro Jaanus, tel 566 91599. Seo aadrõssi pääle pallõmi kõgõ ildamb 10. mais teedä anda' ti koori nimi ni süüjide arv, no ka arvõ massja, meiliaadrõss ni kontaktinemine. Kuur saa talongi' kätte pidopäävä hummogu.

Söögikõrraldõsõga kõüdetü küsümüisile vastas kõrraldajidõ puult Egle Vodi: egle.vodi@gmail.com, tel 516 6684.

12. aprillikuu pääväl 2016

Terviten kõigi pido kõrraldajidõ nimel,
Triinu Laan
Uma Pido projektipäalik
Tel 53322153